

新疆圖志

辛亥冬月

少魯題

鐵



新通國志

卷之六

食貢志序

雖有英君誼辟必不能廢倉廩府庫而講治功雖有至聖名賢必不能絕菽粟布帛而談道德神農藝穀太皞鑄錢后稷教稼黃帝致民混沌始開即皇皇焉以厚生利用爲經國大猷蓋有見於經緯萬端非是不足以樹其基而赴其的故周公陳七月豳風而東都以盛太公立九府圜法而齊國以興瑞穀嘉禾呈太平之現象官山府海肇霸業之雄圖典冊所載筆不勝書白箕子演洪範九疇曰食曰貨爲入政之起點後世史家如班固

歐陽子之屬其所撰述類皆有食貨一帙以考驗國賦之贏絀民俗之奢儉人生日用之豐歉誠以食貨者萬事之母未有家給人足而其國不富且強者卽未有比戶虛耗而其國不貧且弱者歷代已事其判然矣新疆據雍州上游土壤之沃不亞內地礦產之富甲於全球以言食則稻粱黍稷以訖瓜果桃杏無不甘冽而芳馨以言貨則金銀玉石銅鐵鉛鋁無不磅礴而鬱積則所謂崇如墉比如櫛利如刀流如泉者自具天然之美利尙何穀價騰貴粒食維艱之足慮市面恐慌銀根緊澀

之足憂乎乃自罌粟種而良田腴畝盡插煙苗於是乎
鴆毒宴安舍穡事而遊嬉者比比也鈔票行而純金真
銀輸出外界於是乎折色升水計資本而虧損者比比
也民窮財盡又何惑乎食之不足貨之不通耶謀

國者怒然傷之將謂種煙有厲禁毒卉絕則佳穰宜豐鑄

幣有專司利源開則漏卮自塞顧乃病瘵之夫難期任
重涓滴之水莫撲燎原

大化

來撫是土適當其衝兼以

協饒告匱庫欸空虛涸轍之鮒坐待西江焚巢之燕枯
守舊幕而謂其有濟乎其無濟乎於是力行墾務計夫

平世世今因鑑古貪賈志而謀育鑑無如鑑之以爲
則重以堅絲然補機顛刻之師而鑑以思吾海國等鑑
善察察青景錄中不獨平此而但鑑之爲國也
宜錄三平才一且則望無從驗寄歸國遠大出點中
可得而盡也之國事不理則事不治事不治則貨不
平或之望無從驗寄歸國遠大出點中
變不止也

新疆圖志卷三十三

食貨志一

鹽法

生人不可一日無食也卽不可一日無鹽鹽固天然之利益哉管子海王篇之言曰十口之家十人食鹽百口之家百人食鹽終月大男食鹽五升少半大女食鹽三升少半吾子食鹽二升少半是故鹽爲人生必需之物斯嵯政爲治賦有定之利齊地狹民稠三面濱海土地所出不抵山海所出三之一故管子治賦田賦輕而山

海之稅重海濱之民大興鹽利山西平原之國皆仰給
食鹽于齊而齊國以富故桓公欲藉臺雉管子以爲毀
成欲藉樹木管子以爲伐生欲藉六畜管子以爲殺生
欲藉人管子以爲隱情桓公曰然則吾何以爲國管子
獨以官山府海對蓋管子深知治國之道必先視地宜
以治民事所以重視乎鹽政如是耳夫新疆亦鹽國也
北路如塔城之鹽精河之鹽迪化之鹽皆其表表著者
南路如焉耆如吐番如婁羌如鄯善如伽師幾於無處
非鹽新疆固產鹽之奇區也有鹽灘焉有鹽山焉有鹽

地焉有鹽池焉舉大地產鹽之地幾備所缺者并與海
耳嗚呼準此以言新疆雖謂新疆無百里外無鹽產者
可也然而斥鹵自然之利如此其大而鹺政之所以未
興者何哉蓋自乾隆中葉新疆畢隸版圖厯嘉道以來
多計在兵事而未遑他顧改省之後大局粗定亦未嘗
計及此蓋當時協餉充足固無庸他慮耳邇來人戶較
多加以新政繁興協欵不繼權山澤者遂因之計及焉
蓋嘗綜而考之鎮迪道屬鹽區十有六阿克蘇道屬二
十二喀什噶爾道屬九十五伊塔道屬五產鹽之盛蓋

不可以量計物產之精華磅礪鬱結普利邊徼審其土
宜有類淮鹽者有類四川子鹽者有類甘肅寧夏之湖
鹽西寧之青海鹽者多出天然無事熬煎自光緒三十
四年開通鹽務至宣統元年爲官督商辦者三如精河
歲包定額徵銀萬四千四百兩迪化歲包定額徵湘平
銀五千一百兩現在甫經改辦官銷鄯善歲包定額徵
銀二千數百此兩包有定額者也巴里坤運入哈密之
鹽疏附抽稅充作漢語學堂經費之鹽歲銷多寡曾未
經商包辦此其無定額者也若焉耆若塔城若溫宿各

府廳州縣均經稟請試辦而當道罔知其利倦於提倡
延宕不果行論者惜之此新疆所以有鹽無法也雖然
鹽之利民者恒便益於他物矣新疆之取鹽尤便益於
他省矣嘗思之五穀利民者也而不播種不可成百果
利於民者也而不植本不可實是發生之始無不需人
以先之鹽獨不然出之天產得之地脈但用人力吸收
其利耳然他省鹽利即以人力吸收其用力猶多也淮
鹽川鹽當用煎浙鹽蘆鹽當用晒惟新疆之鹽有因風
而化東西鹽池聚土成堆於鑿山而得者如溫宿之如



是而無法以行之得毋負天工棄地利而靳民食歟然
而使疆民無待於食鹽或運鹽無利於疆省立法猶可
緩也今統計疆民戶四十餘萬口二百餘萬均不可以
浚食而駝羊數千萬又必待鹽而後生活按丁計鹽按
鹽計課歲十餘萬又公家之所待用若仍前悠忽以處
之無惑乎私梟充斥官引滯銷不惟無益於公用且使
以私銷之故集多數之游民興無窮之爭訟將因法之
不立不惟無益而轉滋其弊也今將產地廣狹行銷遠
近稅課有無詳著于編俾整頓鹽法者得所依據焉

鎮迪道轄府一廳四縣七

迪化府屬產鹽行銷各區

一迪化縣達板城大小官鹽池

一達板城設引岸

一迪化省城設鹽店二處

一分銷達板城官鹽各地

一官鹽每百觔定章抽稅銀六錢

迪化縣銷本治達板城之鹽

謹按縣治東南一百八十里之達板城素爲產鹽

之區距城西九十里傍西樹窩子有池產鹽曰大
鹽池其鹽色白味純類淮鹽行銷阜康昌吉綏來
奇台孚遠呼圖壁等處其運銷本治內者歲約八
十五萬觔而距城西二十里之小鹽池則產鹽較

少

奇台分銷達板城之鹽並分銷鄯善七角井之鹽

謹接縣治向不產鹽除分銷達板城官鹽外由鄯
善之七角井販來者歲銷市斗一百二十石按觔
由鄯善縣照章抽稅亦有由北塔山來售之蒙古

鹽無稅每歲約銷二百八十石每石重七百觔每斗價銀四五錢不等

昌吉分銷達板城之鹽

謹按昌吉境內向無產鹽之地城鄉所恃以爲日用之需者悉仰給于達板城運售之官鹽

呼圖壁分銷達板城之鹽並分銷精河之鹽

謹按呼圖壁除分銷達板城鹽歲約四萬五千觔外其由精河輸入者其數畧同每斗重七十觔每升價銀一錢四分計每觔約需銀二分

阜康分銷達板城之鹽

謹按縣治土性乾燥向不產鹽境內食鹽悉由達板城運入稅由迪化派司事抽收計鹽一斗價銀四錢八分斗可七十觔

孚遠分銷達板城之鹽並分銷鄯善七角井之鹽

謹按縣治向不產鹽除分銷達板城官鹽外由七角井運入者每斗重七十觔值一兩四錢兩處合算年共銷四萬餘觔稅由迪化鄯善二縣抽收

終來縣分銷達板城之鹽兼運食土鹽

謹按縣治距城五百里唐朝渠之東鹽池長四丈
廣三丈產鹽色兼黃白味純又南鹽池周圍約二
里色同味稍減爲蒙古運入境內銷售聞亦運銷
阿爾泰山及孚遠奇台一帶初東鹽池之鹽擬有
稅額每駝馱抽稅銀一錢五分驢馱抽稅銀五分
歲銷無定額稅亦無多歸公旋罷稅又一百六十
里沙門驛鹽池長僅及丈廣一尺鹹水盈池不結
顆粒其入境運售者多係達板城官鹽每石重七
百觔值銀拾四兩